

Mid-Day Dogri News Bulletin 26- August 2026

समां - 12:25 hrs.

<><><><><><>

Raksha Bandhan

28 अगस्त गी रक्खड़ी दा धेयार ऐ ते इस त्योहार दे कोल औंदे गै लोकें दा इस धेयार दे लेई जज़्बा होर बधी गेआ ऐ। भारती विद्या मंदिर हाई स्कूल नैन्सू च विद्यार्थी देसै दी रक्षा करने आहलें जोआनें लेई खास तैयारी करा”रदे न। उधमपुर थमां साढ़े जिला संवाददाता अचिन दुबे हुंदे मताबक विद्यार्थी बड़े प्यार कन्नै भारती सेना- BSF- CRPF ते होर सुरक्षाबलें दे जोआनें लेई हत्थे कन्नै रक्खड़िया ते शुभकामनां कार्ड तयार करा”रदे न। विद्यार्थियें आसेआ तैयार कीती जा”रदियें तकरीबन 200 थमां 300 हत्थे कन्नै बनाई गेदियां रक्खड़ियां सुरक्षाबलें दे जोआनें गी भेजियां जागंन।

<><><><><><>

BBBP –Bakery Training

NRLM साम्बा कन्नै जुड़े दे महिला स्वयं सहायता समूहें दे सदस्यें लेई “बेटी बचाओ- बेटी पढ़ाओ” योजना तैहत आयोजित पंज दिन दा बेकरी ट्रेनिंग कार्यक्रम कल इक शानदार समापन समारोह कन्नै सम्पन्न होई गेआ। जिला समाज कल्याण मैहकमे आसेआ आयोजित इस ट्रेनिंग दा मकसद महिलाएं गी बेकरी कन्नै सरबंध्यत व्यवहारक हुनर कन्नै लैस करना ते आत्मनिर्भर ते रोजी-रूट्टी दे मौके गी बढ़ावा देना हा। जिला विकास आयुक्त

आयुशी सूदन होरें इस ट्रेनिंग कार्यक्रम गी सफलतापूर्वक पूरा करने आहली स्वयं सहायता समूहें दी महिला सदस्यें गी प्रमाण-पत्र बंडे। इस मौके उपपर उ'नें महिला सदस्यें दी ट्रेनिंग च भागीदारी ते हुनर हासल करने लेई उंदी सराहना कीती। DDC होरें एह बी आखेआ जे हुनर विकास- उद्यमिता ते सामूहक कारोबार महिलाएं गी आर्थिक तौरा पर आत्मनिर्भरता बनाने ते सशक्त करने च अहम भूमिका नभाई सकदे न।



NCORD-Ramban

रामबन दे डिप्टी कमीशनर Mohd. Alyas Khan होरें कल जिला स्तरीय Narco Coordination Committee दी बैठक दी अध्यक्षता करदे होई नशे दे खलाफ चलाए जा'रदे उपाएं दी समीक्षा कीती। बैठक च “नशा मुक्त जम्मू-कश्मीर” अभियान तैहत जिले च नशे दी कबैतु गी रोकने आस्तै प्रयासैं गी होर मजबूत करने पर जोर दिता गेआ। डी.सी. होरें SDM- तहसीलदारें ते Excise मैहकमे गी अपने-अपने क्षेत्रें च अफीम ते भंग्ग दी गैर-कनूनी खेती खलाफ सख्त कारवाई करने दे निर्देश दिते।



Reasi-WSS

रियासी दे डिप्टी कमीशनर कुमार अभिषेक होरें जिले च जारी पानी सप्लाई योजना दी प्रगति दी समीक्षा कीती। इस दरान कम्मैं गी समें-सिर पूरा करने ते ग्राएं च साफ पानी दी सप्लाई गी यकीनी बनाने पर जोर दिता गेआ। बैठक दरान डी.सी. होरें जल शक्ति

मैहकमे आसेआ जिले भरे च चलाए जा”रदे बक्ख-बक्ख पानी सप्लाई प्रोजैक्टें दी विस्तार कन्नै समीक्षा कीती। इस दरान अमृत 2.0 तैहत चलाए जा”रदे प्रोजैक्टें दी प्रगति दा बी जायजा लैता गेआ।



Divyangian-Camp

किश्तवाड़ दे समाज कल्याण मैहकमे आसेआ कल जिले भरै च दिव्यांग जन ते बुजुर्गें दी पंछान ते सूची तैयार करने लेई आयोजित कीते गेदे कैम्पें दा समापन कीता गेआ। एह कैम्प डी.सी. पंकज कुमार शर्मा ते समाज कल्याण मैहकमे दे निर्देशक रणजीत सिंह होरें दे निर्देश उपपर आयोजित कीते गे। कैम्पें च योग्य लाभार्थियें बधी-चढ़ियै हिस्सा लैता। एह कैम्प भारत सरकार दी दिव्यांग लोकें गी सहायता योजना ते राश्ट्री वयोश्री योजना तैहत सहायक उपकरण ते Artificial अंगें दी जरूरत आहले व्यक्तियें दी पंछान ते मूल्यांकन आस्तै Artificial Limbs Manufacturing Corporation of India दे सैहयोग कन्नै आयोजित कीते गे।



e-Shram Portal

इ-श्रम पोर्टल ने अज्ज पंज बरे पूरे करदे होई इक महत्वपूर्ण पड़ास पूरे करी लैता ऐ। श्रम ते रोजगार मंत्रालय आसेआ बरे 2021 च शुरु कीते गेदे e-Shram Portal ने देसै च पैहली बारी आधार कन्नै जुड़े असंगठत कामगरें दा राश्ट्री डाटा-बेस तैयार कीता। इस पोर्टल कन्नै

हर रजिस्टर कम्पगार गी इक Unique Universal Account Number दिता जंदा ऐ। हून एह पोर्टल कल्याणकारी योजनाएं रोजगार- हुनर विकास ते पेंशन सेवा गी इक गै डिजिटल मंच उप्पर उपलब्ध करोआने आहला One Stop Digital Platform बनी गेदा ऐ।

<><><><><><>

Influenza Trends

सरकार पूरे देसै च मजबूत निगरानी नैटवर्क दे जरिए मौजूदा मौसम कन्नै साह कन्नै सरबंधित बमारियें दे रुझान उप्पर नजदीकी नजर रखा दी ऐ। नमीं दिल्ली च मीडिया आहले कन्नै गल्लबात करदे होई सेहत अनुसंधान मैहकमे दे सचिव ते India Council of Medical Research दे डायरेक्टर जनरल Dr. Rajiv Bahal होरें आखेआ जे इस बारी देसै च फैला करा Influenza वायरस हाल दे बरे च दिक्खे गेदे मौसमी रुझाने कन्नै मेल खंदा ऐ।

<><><><><><>